

明

詩

紀

事

明詩紀事

貴陽陳田輯

詩徵

湯來賀一首

來賀字佐平南豐人崇禎庚辰進士除揚州推官擢  
刑科給事中福王時改禮部主事出爲廣東僉事遷  
布政使桂王立晉總制加兵部尙書有內省齋集三

十二卷

西江詩話先生分憲粵東過大庾嶺題壁云誓告山  
靈去不持一硯回此與趙清獻詩馬尋舊路如歸去  
翹放長淮不再來之意何異其廉德如此

懷孔登小淳左車龍文許師六

動息無所營蕭然似孤鶴幽棲疑跼蹐曠懷仍廓落深林澑  
微雨寒泉鳴澗壑洗耳謝沈冥于焉守耕鑿

萬曰吉六首

日吉字元康黃岡人崇禎庚辰進士除崑山知縣有  
東有堂詩四集

禾嘉次黃甫及韻二首

萬里來戎馬孤帆泝水濱亂同天寶日饑似杜陵人蘭芷夷  
蕭艾鵝鴨薄鳳麟不知湖海氣蕭索向誰論

昔年同放逐載酒入鷺湖阜帽簷爲客青袍已誤儒饑寒堅  
晚節兵火送窮途不見如花女空林啼鵝鳩

贈陳交仲其兄道隆子同門友令萊陽列第

十年京闕憶同游，亂後驚蓬嘆敝裘。  
天上故人星嶽列湘中，逋客杜衡愁淚侵蒿里。  
無乾土薇種，陽山有舊邱。攜手送君荆枳路，次寥風雨正悲秋。

弔傅寄菴相公卻寄令郎司理練

巧遲拙速定兵機，秉鉞當時事已非。  
有馬生夢公舍旁建忠烈宮治室臣廟事在己卯八月，  
靈事後九天歸，歌成正氣星河爛。  
魂返閑關雨雪霏，莫怪誅求貧徹骨。  
前賢遺得故山薇。

深柳堂偶集

漫勞仲舉掃階蕪，鸞鳳何年集帝梧。  
處士秣荒彭澤縣，驥人怨落洞庭湖。  
黃巾白馬關心切，碧海青天望眼枯。  
濁酒數升潦倒後，不堪衰柳夜啼鳥。

考叔出關阻雨留宿

十里城隅若遠游隔闊未許汎歸舟圓時管葛人何在失路  
機雲我獨愁夜雨匡床連一被春燈草具泣雙囚饑驅日久  
商行役應識陽山是菟裘

來集之一首

集之字元成蕭山人崇禎庚辰進士除安慶推官遷  
兵部主事

春日雜詠

紫蔓乘春風一夕長數尺嫣然滿架花取之餉賓客樽酒開  
綺筵歡呼動華陌經年不成寸南山見松柏匪復競短長聊  
以俟匠石寥寥百載間棟樑熠金碧

單恂  
二首

恂字質生松江華亭人崇禎庚辰進士除麻城知縣  
有竹香庵瓶庵枯樹齋三集

陳繼儒眉公集質生而慧根食靈氣從作者機杼外  
別構出清麗新聲  
松風遺韻陳臥子云質生爲人風調閑茂舉止疏拔  
溫度雅論宜於人倫詩篇明贍勤以朗潔至其寓意  
雅尚西崑故綺閣之愁習香奩之頽遇一音傳怨綠  
竹成灰數言觸懷贈粉遙斷思婦聞之掩心鶴人過  
而疾首矣  
靜志居詩話質生詩力埽陳言濃而不膩

田按雲間幾社詩派競尚穠麗質生才華跌宕可與  
三子分席臥子作質生竹香庵詩序本集不載當爲  
王蘭泉搜輯所遺耳

避跡友人溪舍自遣

睡起持願住野塘燕墮楚堤思茫茫釣輪傍客艤啞晚碁簷

留僧膈脣涼陰砌沙雞吟尙澀斷畦蒲鵠摘來香比鄰瓮盡愁新秋省我秋時茂世

舉卓忙字

新夏郊居

新荷貼渚細田田白鷺參差白鳥眠釣艇繫時蒲颺水縹草  
聲外麥籠煙閒來茗椀留僧鬪老去詩筒畏客傳睡起刺桐  
花畔立繡鞍金絡紀當年

徐芳

三首

芳字仲光南城人崇禎庚辰進士除澤州知州有松  
明閣詩選懸榻編

今世說徐仲光日吾儕如鳥中子規自是天地間愁種

西江志仲光官澤州以治行第一徵入國朝與友人鄧廷彬入山偕隱或出游以資食則操技術以往

不輕謁公卿平生著述甚多縣令苗蕃選刻其十之一  
一名曰懸榻編

龍性堂詩話徐仲光云詩之道以氣格爲上而結構亦不可遂輕以性情爲先而聲響亦不可遂廢詞藻亦不可遂輕以性情爲先而聲響亦不可遂廢詞藻陋於縟贅而徑率之句亦不可謂之自然境真妙於目前而凡俚之言亦不可名爲真至韻而不靡朴而不籠淡而不枯工而不說使事而不流於雜談理而不墮於腐模古而不傷於痕蹈空而不病於鑿亦作家之言也

### 灘舟吟

閩溪十九皆灘險絕天下跡其阻峭宜同弱海而乃有舟以相凌抗始作俑者誰氏之子哉卽類而推天下之大何所不有因度燕子巖走筆識此

棱棱齒石撞舟立舟子蕩舟刺石入石來搏水水搏舟短棹輕翻去何急風濤出沒虬螭奔光怪驅馳雷電熠咫尺分明

隔生死浮沈何處費呼吸老人搖目誠無憊離客乾唇不暇  
泣吁嗟行險理宜然巧與危鄰慎所習

上河晚眺

不牋龍津道於今二十年蔣山空遠岫江浦自蒼煙晚綠餘  
隄柳寒香牋渚蓮後庭花莫唱容我暫流連

秋日同林孔碩登鼓山宿白雲堂卽事

蠟屐兜輿互換行石門深去可憐生幽溪古樹鷗無憇棲壁  
寒泉雪有聲嵐氣半江秋水合毫光千佛夜燈明蹉跎未是  
茅蓬料愧殺名山處處情

高承鉞

五首

承鉞字寓公一字澤外嘉興人郎中道素子崇禎庚

辰進士除遷安知縣改寶坻涇縣福王立遷工部主

事有稽古堂集

靜志居詩話先生表忠裏孝以父死不葬伏闋訟冤絲綸奪者載錫三革留封各著循績而危邦墨守尤文吏所難能惜乎功多不賞至今寶坻父老有遺憾焉家藏書八十檮與項氏萬卷樓爭富雖干戈倣擾不輟吟哦其病中述志云惟將前進士慄擔表孤墳讀者比之澤畔行吟西臺勸哭

秋夜卽事

細雨洗秋色薄衾增夜涼清吟銷暗火幽夢過殘香風靜鳥棲樹溪喧魚跳梁殷勤念籬菊開到幾枝黃

寄懷徐春門

細雨黃花徑空山白板扉貧嫌生事拙病覺世情違獨釣尋鷗夢相思數雁飛何時竹葉酒坐對薜蘿衣

同年盧牧洲陸鯤庭吳歲青陳澹立方懷怙劉漪若楊

杏園張雷溪張翊明姚有僕先後殉難詩以哀之

數載同憂患一朝分死生殺身不再計全節有餘榮挂劍輕  
千里悲笳動五更可憐李黼榜偃蹇老維楨

春除日洪慶之過飲

憐君臥病已經旬出郭尋春卻送春歸路只應乘醉眼楊花  
如雪倍愁人

沙上人家

酒帘漁網繞蘋花矮屋茅茨住淺沙歸客春來休更問滿江  
煙水又移家

吳中簪

十二首

中蕃字滋大一字大身貴陽人崇禎壬午舉人桂王  
立除遵義知縣擢重慶知府改吏部郎中有做尋集

斷硯集

黔詩紀略滋大少年遊迹徧吳越多與其韻入翰士  
稿紹往來故學行皆有根柢甫薦贊書遇遭陽九殘

朝潰宦抗志西山忠義文章推吾黔有明一代後勁  
其爲詩直抒所見粗服亂頭不屑屑句琢字鍊以爲  
工而質厚氣蒼自然瑰異

田按滋大古詩深心妙理古趣今情桑海之際苦節  
能貞可以激頽風挽薄俗集名敝帚可識其宏旨矣

縉雲寺湯池

寺廢亦已久池乃故湯湯萬松寺幽映百靈司泄藏遠自沃  
焦山虛通嵎谷陽雙持日月精吐滋沐浴光煙霏噴潮汐薪  
盡誰爲揚燥溼互根柢因之變燠涼冰雪具春溫柳下而首

陽游鱗盡潑潑苔蘚亦蒼蒼造化恣神奇物理安可詳

別友

彭澤八十日余今四十辰心褊志不遐以斯愧古人知交惜離別祖帳紛具陳座中誰最密心友與周親塞默各垂頭蓄意難具申豈不憂貧賤未肯易其身得歸即可歸何必因鱸尊海氣吹寒霰酒至一再巡揮手辭金馬暮色促征輪

早春田園二首

邇來視稼穡頗識寒暑情百物匱於後天地無能爭東林日欲曙牽動乃多驚已飯闌雙扉緩步逐牛行牛概喪草短子亦快風清微暄醒雪氣泉心汨汨生一道淨練光去作溝隧聲聽之遂忘夕日與桑煙平

候至物難靜高人亦未閒晨疏畎畝道夕飲犧牛還卽事賴  
區區庶免終歲艱置身在天地苟食誠何顏昨者經前陂枝  
頭色亦殷沈魚上新浪清鏡飛白鷗顧惟物我懷幽興未嘗  
慳長歌散遙慮孤雲方在山

題許子儀所畫悶鴟圖

蟻蟲百中覓難程坐立韁綰氣尙橫飢飽隨人貞可恥久居  
鬱鬱若爲情側眼長空自梳殲翎生蠻蠭神如醉縱橫狐兔  
惱人腸暮南一擊何時當人生最苦不得意從來偏屬雄豪  
輩鐵椎柱擊副車驚玉斗空擲鴻門碎山人有觸涕滂沱爲  
爾含毫費揣摩不寫皮毛寫神趣聊將筆墨代悲歌霜原草  
短剛風曙破壁焉能留爾住還視山人尺幅中俄驚變化通

靈去

茅屋爲春風所破

野情未已雷羣逐舞茆挂樹如無屋癡妻失計半閉門雉子  
登床蒙頭哭旋石如斗狂呼颺驅波塞寶勢箕箒由來苦樂  
事莫同草木猶道春風惠廢椽零落只如許抬頭忽見天倚  
杵憎教罄室列缺見驪然一笑流青電爲賀先生自此升不  
然拔宅冲霄騰未盡床頭三斗麥更向山椒覓葛藤

題高埜芸所贈巫山圖

峽裏巫峰吾不見壁上巫峰今識面誰能移置此堂中高子  
埜芸心所變傳聞巫山少一峰多年飛去大江東今日盡飛  
來我壁攢雲聳翠驚鴻濛一峰未了一峰起遠近低昂不相

似就中一峯直上天峻筆窮追得半耳漫言鵠鑽與鬼愁卽  
今猶令滿堂秋耳邊唳猿三聲淚瞿唐中斷無行舟何人挂  
杖尋絕壁似置西枝草堂地數椽臨麓不會關中夜得無防  
虎至桃源巫嶺事相同雲雨知他第幾峰莫因宋玉荒唐說  
不使襄王出夢中畫圖指似良有以世上山川幾類此甯教  
尺寸礙人行未肯陂陀隨眾址洪濤巨浪漱其根窟宅虛無  
意鬼神萬古長江誰鎖鑰徒仗雙崖鎖北門

重陽夜坐

重陽見月能有幾昨日猶愁雨不止忽然菊影自塗窗涼氣  
充庭天若水苦寒人辛苦寒心花畔添衣夜已沈露重梧桐  
隨葉墜暗吟清響答蛩吟

癸丑立春後二日

殘暦尙餘旬空傳已是春雪風方得意衣被不憐人老覺朋儕盡愁聞歲事新韶光能有幾漫擲苦寒晨

落花

轉盼已殊前空勞泣斷煙過時俱腐朽多事是春天著地猶成錦登枝又隔年茫茫今古恨試問樹頭鶯

秦淮月下

秦淮絲管最多情夜夜嗚鳴傍耳鳴有客抱愁階下立何人擁棹月中行烏飛更向誰之屋駢臥行看汝在荆遙望孝陵深一拜如聞天語念神京

弔方正學先生

木未荒亭伴冷祠何人到此不生悲要爭一字千秋是那顧  
全家十族尼浩氣豈隨滅血化存孤猶賴老天知大書史策  
能無諱直待於今論定時

張班二首

班字韞仲寶應人崇禎壬午舉人有木侍樓詩集  
送何子歸京口

黃農無夢向人間刺減懷中灑涕還寒狹白生江浦霧孤帆  
青入海門山道塗變色多談虎風雪侵衣善閉關憶昔題詩  
弔焦隱松岩爲覓蘚花斑

焦山

瓦礫消沈古塔燈活人仙井蔓荒藤深山亦有興衰理來問

繩床百歲僧

郭萬完

一首

萬完字望侯龍溪人崇禎壬午舉人有旅聲詩集

壬子初度

週庚如石火拋擲果堪憐白髮癩無藥青山到有緣蹉跎將  
毒補衰憊貞言傳可似龍鍾竹平安又一年

趙炳龍

一首

炳龍字文成劍川州人崇禎壬午舉人桂王時用薦  
授吏部主事遷戶部員外郎居易軒詩文八卷

劍川州志文成以楊畏知薦桂王除吏部文選司主  
事遷戶部員外郎至貴州安隆所孫可望殺畏知  
文成歸隱向湖村之林園吳三桂反脅以僞命避石  
寶山中不出

小樓

小樓久不下一年春又深落花悄無語老樹自冬心酒熱偶  
看劍牀空還抱琴小兒強解事也學和陶吟

王倣通

一  
首

倣通字龍門海門人崇禎壬午特用進士授刑部主  
事以事謫福建布政司知事稍遷虔州推官福王立  
擢刑部郎中有且園雜詠武陵遊集秋香園集

田按武陵奪情黃石齋論之帝怒甚南臺成公勇疏  
救石齋并下之理時宵人進主使之說欲以危長洲  
相國舉朝驚駭龍門治是獄謂綱常名教三尺童子  
皆知何用主使卒從勇輕擬人皆噴指謂帝意且不  
測會帝怒稍解成降五級龍門亦降三級去時人祖  
道圓門賦詩章以贈其行士論榮之

三元山

夙抱林壑姿每懷林壑癖維舟藉清陰登陟有深意雲來孤嶼青雨散大江碧醉吟聊自娛胡爲苦行役

周嬰一首

嬰字方叔莆田人崇禎壬午特用進士除上猶知縣有遠遊編

蘭陔詩話方叔詩華整之中自饒流逸

豔歌行

暮春三月氣妍和神夷案唇鼓春歌陽林密葉生青薺陰澗新流起綠波綺陌三條芳草合金隄一望落花多從風弱質名絳樹奔月妖姿字素娥玫瑰瓊樹下鬪迎枝桃花水上攀可離凌波未覺污羅襪涉露甯知溼履絲同心絲結長不解合

歡錦帶復相貽徘徊河間數錢日徙倚邯鄲鼓瑟時玉柱朱  
絃送嚴客珠鞍繡軸催行役垂楊旖旎含情朝蕪星流亂可  
憐夕漢皋已失入懷珠成都空問支機石榮華逝水不可留  
惆悵浮雲徒共積

劉道開

三首

道閒字非眼巴人崇禎壬午舉人有客夢草自怡軒

集擬寒山詩

蜀詩非眼入國朝總督李國英重其爲人欲官之走耕於野晚授徒漢中注楞嚴經自號了菴居士

山居

結茆亂山中古松覆茅屋松子屋上落白雲屋下宿三冬不出門地爐燒柏柟一卷黃庭經臯帽蒙頭讀

所居

何物清人耳綿蠻鶯有聲曉山雲外市春樹雨中城小艇堪垂釣平疇足耕獨憐車馬客役役爲浮名

與桂白石奕

長日手談意自閒主人忘客客忘還局當清簾疏簾裏聲出古松流水間雅集只須烹苦茗草堂還喜對秋山何勞局促爭成敗好鳥時聞一破顏

李國相

一首

國相字敬公號莘巖富平人僑居衡陽崇禎壬午舉人有逸齋遺詞

沅湘耆舊集張賊陷衡徧索薦紳強以僞職不起者死芋嚴引刀剗兩臂示不可用得免鼎革初自南嶽

轉徙山谷歲更其處晚築小室植桃數株稱桃鳴老人

### 哭夏叔直九疑

孤楓淪荒域生離一夢慳問天孤雁字無地釣魚灣挂劍情  
誰寄焚琴憾未刪蒼梧有舜蹟君志寄其間

姚宗典

一首

宗典字文初長洲人崇禎壬午舉人

### 寓雲泉菴同澹游賦

老寺空村裏窮秋落葉深飄蕭淒碧色歷亂送歸禽落葉人  
誰埽斜陽僧自吟氣寒風戚戚天地肅爲心

錢默

一首

默字不識嘉善人舉人旂子崇禎癸未進士除光澤

知縣改嘉定國變後爲僧更名成回字無

華道人有仲子集吹蕭草

魏塘詩陳道人生而癯削隆準明眸顴插入鬚望之  
絕似深山道流爲童子卽卻血肉好蔬食留心內典  
八九歲開口爲詩古文兀傲不可一世世所傳錢仲  
子集也

別長人居士

深山千萬重傾蓋得相逢習定空房月招魂霜夜鐘孤筇迎  
客到破衲僧縫揮手煙霄外寒雲第幾峯

宮偉鏐一首

偉鏐字紫玄泰州籍靜海人崇禎癸未進士有采山

外紀入燕集

廣陵懷古

順昌旗幟大儀同卓角林邊將略雄可是撼山資野戰卻將  
堅壁佐肩功荒郊古樹殘陽外督陣元戎列騎中虎旅六軍  
新駐蹕肯教浮馬下江東

張若羲 一首

若羲字昊東松江華亭人崇禎癸未進士

董含三閩識略張帶三先生性高潔隱居菜花逕不入城市綑衣禪笠蕭然世外喜飲酒每從相知游白縱談意氣甚壯然外雖頽唐而內實沈照隱約玩世人莫能窺其際也予上已以新鵝貽之先生答以一絕云臆間猶記老狂生翠釅春燈眼倍明世事悠悠交態變緣楊深處儘埋名

靜志居詩話昊東爲余中表兄甲申以後潛身家巷躬自灌園余嘗訪之郊西適荷鉏帶笠相揖於紫瓜白莧之間破屋數椽下一榻以留吳處士琪暇相酬和詩思清厲有亮節而無懦響

杏壇一席地尼山百世師大道久鴻濛顯晦在此時心齋而  
坐忘子淵名沈思忠恕本一貫參也魯得之中庸明性教平  
載不可期苟非私淑人仁義將安施淵源固有自今古常若  
斯所以能自信抗言文在茲

包壯行

一首

壯行字穉修南通州人崇禎癸未進士除南工部主  
事有石圃老人集

僧來復楞伽寺

荷花蕩西湖水深上有蘭若當高岑客吟時見山鳥下僧定  
不聞鐘磬音雨香秋林橘子熟雲落空山棠梨陰閒來埽石  
坐竹裏靜與山人論素心

之葛山

焚盡鄉園夢已曾過江來者說相仍良朋先失生何仗老母  
猶存死未能清酒滿村無我酌好山到處讓人登典衣日日  
憂風雨閒殺漁家柳下晉

繫院除夕憶劉雲密舟發

羈囚人語接霜鴟獄吏峥嵘亦歲華黃面白頭吾舊物青鋒  
碧血世生涯得稱僧臘猶慙愧莫數王春勤嘆嗟昨夜良朋  
舟似鳥羨他不聽皖城笳

米元惆

四首

元惆字吉人辰溪人明末舉於鄉有羅峯詩文集十

三卷

田按吉人詩有妙悟竟陵派之佳者

復從獺溪歸作

三年常作客幾日暫開顏野步不隨路秋愁多向山遠叨溪  
自動虛響樹常聞爲惜高雲意蹉跎未擬還

漱浦道中

城已多時破村鄰幾處存荒蹊春雨冷舊院野花繁白骨經  
霜雪烏鵲長子孫故鄉戎馬徧對此哭黃昏

遊九崖

虛谷少人迹半山崩石聲無根藤自活應候鳥殊鳴疏樹雲  
微出荒田虎數行歸途愁日暮秋色帶孤城

晚坐西園有懷

坐愛西園晚寥天過片雲暑消林氣薄涼定水光分顧影慚行止虛心理見聞客堂今夕夢一半是思君

蒙正發一首

正發字聖功崇陽人永明時舉人官給事中有漆園放言龍壁吟蘆草欸乃聲等集

王夫之南窗漫記蒙聖功給事欸乃聲九十首曾授予訂之其警句則有片帆影挂前川月透枕霜清五夜鐘藥市藏名嫌溷俗鷗羣不割信忘機荆臺不樂吁先輩高閣從來束腐儒高峯影接寒潭黑絕壁光生晚照紅明犀照水中嫌逼寶劍汎淵免再採小漿不驚浴鷺穩回潭時積落花深可謂句意雙到

秋風鳥

小魚遇秋風而化出惠州

秋風催水族應候起沈淪漸有雲霄志難忘湖海身招呼仍戀舊毛羽忽更新微物猶騰化何須歎隱淪

明詩紀事

貴陽陳田輯

譜錄

張溥一首

溥字天如太倉州人崇禎辛未進士改庶吉士有七  
錄齋集十五卷

吳偉業復社紀事金沙周介生姪始以制義甲乙天  
下吾師張天如先生從婁東往復社之舉自此始崇  
禎改紀先生以貢入京師縱觀郊廟辟雍之盛喟然  
太息曰國家以經義取天下士垂三百載宜有以表  
章微言潤色鴻業今公卿不通六藝後進小生剽耳  
儒目偉弋獲于有司無怪乎俗人持柄而折枝舐痔  
半出于誦法孔子之徒無他詩書之道虧而廉恥之  
塗塞也今上卽位臨雍講學生當其時者庶幾遺遺  
經砭俗文學俾盛明著作比隆三代乃與燕趙魯衛之  
賢者爲文學言悉申要約而後去楚熊頃山先生開元

辛鑑卷二十一

知吳江縣事以文章飭吏治知人下士喜從先生游  
之造請者推先生高第弟子呂石香雲字爲都講石  
香好作古文奇字浙東西多聞其聲而湖州有孫孟  
模淳鏡身爲往來紹介於是臭味翕集遠自楚之  
黃豫之梁宋上江之宣城甯國新東之山陰四明之  
上號日至秦晉閩廣間多有以其文郵致者先生選庶吉士天下爭傳鉛輪斬  
據願爲人家熟子其鄉南豐臨川兩公之言未嘗無依雅  
其文而艾千子獨出其所爲書相訾謷千子之學  
自其文而艾千子獨出其所爲書相訾謷千子之學  
山園陳臥子福狹矜慎不能虛公以求是嘗燕集弇州之學  
此年少何所知酒酣論文仗氣罵坐臥子不能忍而謂  
前歐之乃嘿而逃去先生旣篤志五經諸史不復用  
制藝與千子爭長短當復社未起時吾郡虞山錢蒙用  
大枚叟吳門文湛持姚現問三君子由忤瑞召用虞山  
下業大業爲烏程相許奏罷歸其同嗜奏對稱旨先  
士以收物望尋謝政得請而烏程扼腕太息蚤夜呼慘  
憤思所以刺刃東南諸君子先生主辛未會試在先生及偉  
門弟子從苕晉來者俱得相溫陰事名爲廉潔呼慘門以蒙用

奉法實縱子弟暴橫鄉里招權利通金錢先生引湖  
縣一舉之以爲笑謔語稍稍流聞相溫時盛修却虞山思  
告虞山亡命入京師而政府遣心腹延之東第密受計  
其章銀鑑逮治而復社之獄並起州人陸文聲者  
僧會敦逸上神聖疑其太切當有詐章下所司陽羨復出  
對虞山在道先生已屬疾卒於家時相謂旨責三人具  
止爲經生應舉臣叨卿貳不應參涉禾奏日復社之  
起在臣令臨川日自進士二十餘年結社會文  
對虞山奏曰臣先張溥成進士二十二年結社會文  
陳崇禎丁酉山陽錄拂拭數書樂史劉熙祚言取先生所至友是臣  
覽其詞直置弗問用御史劉熙祚言取先生所至友是臣  
經註其事則非臣事則張溥實臣至是臣  
歎惟如雲口授吟謠如天賦才子也

陳崇禎

丁酉

山陽錄

拂拭

數書

樂史

劉熙祚

言取

先生

所至友

是臣

至是臣

見其

賓客

子

並福

長也

明詩選

陳臥子曰天如忠愛誦孟門行可見一斑卒

後而動聖王之思有以也  
鄧漪啟楨野乘天如爲文融洽經史詩皆三唐風格  
靜志居詩話天如狎主復社以附東林聲應氣求龍  
集鳳會一言以爲月旦四海重其人倫書局刻而百  
面賓畫日以三接由是青衿胄子白蠟明經登李元  
禮之門不啻軻戶爲柳伯騫所識勝於荀金列郡人  
文一時風尚口談朝事案置漢書頭包露額之巾足  
著踏跟之履和歌下里擁鼻東川俄而哲人其萎踐  
康成之妖夢天子有詔求司馬之遺書嘗論日興清  
流釀禍周之夔彈之於始阮大鍼厄之於終而邦國  
囚之殄瘁矣

送侯豫瞻北上

春氣吳山早風來水國初社村今日酒牀笏舊時書燕子迎  
新筋桃花奉板輿尙持司馬節珍重佩金魚

張采

一首

采字受先太倉州人崇禎戊辰進士除臨川知縣遷

禮部主事有知畏堂文存十一卷詩存四卷

復社紀事天如先生同里最親善者曰張受先采海內所目爲婁東兩張者也受先筮仕臨川綱維張設一以古循吏爲師謝病歸遇同輩多所磨切敢爲激發之行數以古法治鄉黨間左錄兩之奸輒誦言誅之惟恐其人不聞知者南都覆受先爲邑蠹里猾乘亂標擊刺剝幾無完膚絕而復甦又兩年而病發於逝迹之荒野

靜志居詩話婁東二張狎主復社盟書吉士身後詔求遺書通邑大都家守其學儀部名雖少遜然里門作志留都議禮考文徵獻比於吉士功多

漫興

豈自求仙道須因避世爭無官多暇日有病得長生不食安期棗誰吹子晉笙開簾尋落影殘月已三更

楊彝

一首

彝字子常常熟人諸生有懷舊詩一卷

蕡峯文鈔子常先生與同鄉顧麟士先生皆明經飾行矜尚氣節時人並稱楊顧吳中名士興文社曰應社兩先生俱在焉

仙人好樓居

盈盈凌波襪相遇碧山頭山深泣路歧弱水亦可憂何如王  
城上高建百尺樓日月在其牖一檻憑九州行地正絕迹相  
率與天游試問華陽史洞壑何其幽

顧夢麟六首

夢麟字麟士太倉州人有織簾居詩集四卷文集四

卷

啟禎兩朝遺詩麟士詩深古幽潔  
田按麟士學人之詩耐人咀味

題汲古閣二首

千編蠹走魚三寫焉成烏流傳不足徵筆削何如無尋源準  
之宋正訛同索逋旁觀昧所從或謂正者誣古今幾紀載半  
訖餘已圖當時兩官書將恐供樵蘇何況正史外百雜如散  
珠一閣此貫穿上下縹緲俱我來耳目眩譬海泛一壺嘗閻  
蓮華藏亦假輪藏扶熏染卽其緣經言豈欺吾

鑿井利羣鑿萬情同酌斟鑿與補鍾各從家所任得失關  
軀命昏莫猶必尋詎知井有孚亦取泉資深汲遙當綆修先  
具太古心君看一閣內肅肅神明欽六經文在茲爲繫甯獨  
今煙煤有往聖一字雙南金

和左太沖招隱詩二首

美人遲不見俯仰懷山榛憔悴卽非計馳驅徒損神黃髮十

餘曹素心常任真安知外間事好爵猶津津尺牘旣一屈願  
言勿再伸唐虞與殷周何者非灰塵先師垂遺訓求仁斯得  
仁優哉出處意永矣無參辰

志士重一餓西山名到今緼袍不屑恥帶索坐彈琴珍禽慕  
焚籠野鹿思邱林各自有本性非關時陸沈白社結遺黎清  
齋惟梵音猶餘故習氣抱膝浩歌吟得句互咨嗟笑言開素  
襟無煩更招隱已此盍明鑑

次韻追和豈菴自題所作戈莊泛月圖

亂世何人有不將畫圖自住浣花莊舟當偶泛樽罍簡月到  
方中草樹荒二客能從疑赤壁一池常醉似高陽看君品坐  
君元在時挂閒齋供茗香

湖村晚興

參差雙塔起城頭，一抹峯巒數里愁。  
誰喚山人黃子久，重來茅屋寫深秋。

朱隗二首

隗字雲子長洲人有咫聞齋稿

錢謙益牧齋集雲子才情繁富經綿格繹長歌古詩

才力橫鷺

靜志居詩話雲子際鍾譚盛行之日唱酬吳下遜應

南風然其論

詩有云詩貴淵深風旨不取蹈襲形模

漢魏未嘗規摸

三百篇盛唐未嘗規摸漢魏今且拘

拘習其聲音笑貌何爲者耶又贈陳王立長歌云五

十年前不知天下幾人僵死中原白雪中後此還爲

楚風誤則於景陵非中小誠服可知且盛稱臥子之

作而其已作第留意於中晚不可與聞修元歎等齒

田按雲子富有才華惜爲楚牀所奪然終不掩駿邁

鴛湖主人出家姬演牡丹亭記歌

鴛鴦湖頭蘋寒雨竹戶蘭軒坐容與主人不慣留俗賓識曲  
知音有心許徐徐邀入翠簾垂埽地添香亦侍兒默默愔愔  
燈欲燃才看聲影出參差氍毹祇隔紗屏綠茗鑪相對人如  
玉不須粉項與檀妝謝卻哀絲及豪竹繁盈瀟蕩未能名歌  
舞場中別調清態非作意方成豔曲別無聲始是情幽明人  
鬼皆情宅作記窮情醒情癡當筵喚起老臨川玉茗堂中夜  
深魄歸時風露四更初暗省從前倍起予尊前此意堪生死  
誰似瑤琊王伯興

徐鉉本事詩鴛湖主人禾中某吏部也吏部家居時極聲伎歌舞之樂後以事見法南湖花柳散作荒煙東市朝衣變爲蝶墮故吳祭酒梅村鴛湖曲有芳草乍疑歌扇綠落英錯認舞衣鮮之句余亦賦鴛湖感

舊云曾說荒臺舞柘枝而今空見柳絲絲不因重唱  
鴛湖曲誰識南朝舊總持  
田接鴛湖主人嘉興吳昌時也昌時名在復社頗爲  
東林效奔走官吏部郎通賊衛臧私狼藉電發不斤  
其名梅村鴛湖曲亦多哀愍之詞蓋詩人忠厚之遺  
地

### 魏忠賢祠廢基傍爲五人墓歌

長安城西白牝交連結雄虺興神妖白鬚兒子解承事黃門  
寺獄坑賢豪蘇州吏部鐵作骨此人不死奸無魄金吾忽挾  
黃紙來虎闕鳴張恣求索吳門俠少刑白雞來看讀詔袖金  
椎飽腸踏破腥懸樹綈眼勾殘血作泥是日風霾四郊暗官  
騎殺盡人方厭吳兒自古仗高情要離身手專諸劍中丞狼  
狽抱頭奔尚假餘威殺五人妻孥潛瘞不知處恨鬼吞聲秋  
復春當年雄虺薰天勢生祠創建人爭媚梁卑三殿一尺餘

視曰阿爺九千歲無何蛟斃虺伏辜祠旋毀拆成邱墟五人  
身首始得出御葬祠旁表路衢海市冰山只早晚祠榜今爲  
潤中版五人之墓草青青時有行人爲澆飯

田按事詳庚籤周公順昌傳後  
張溥七錄齋集五人之墓碑記五人者蓋當蓼洲周

公之被逮歿於義而死焉者也今郡之賢士大夫請  
於當道卽除號闈廢祠之址以葬之且立石於其墓  
之門以旌其所爲嗚呼亦盛矣哉夫五人之死去今  
之墓而葬焉其爲時止十有一月耳夫十有一月之  
中凡富貴之子慷慨得志之徒其疾病而死死而涙  
投不足道者亦已眾矣况草野之無間者歟獨五人  
之皎皎何也予猶記周公之被逮在丁卯三月之望  
吾社之行爲士先者爲之聲輶歛資財以送其行哭  
聲震動天地縱騎按劍而前問誰爲哀者眾不能堪  
扶而卜之是時撫吳者爲魏之私人周公之逮所由  
使也吳之民方痛心焉乘其脣聲以呵則燄然相逐  
中丞匿於潤藩以免旣而以吳民之亂請於朝按誅  
五人曰顏佩韋楊念如馬杰沈揚周文元卽今之傑  
然在墓者也五人之當刑也意氣揚揚呼中丞之名

而詈之談笑以死斷頭置城上顏色不少變有賢士夫捐五十金買五人之頭而面之卒與屍合故今之墓中全乎爲五人也嗟夫大閩之亂縉紳不能易其志者四海之大有幾人歟五人生於編伍之間素不聞詩書之訓微昂大義蹈死不顧亦曷放哉且矯詔紛出鉤黨之捕遍於天下卒以吾郡之發憤一擊不敢復有株治大閩亦逡巡畏懼非常之謀難於猝發待聖人之出而投環道路不可謂非五人之力也由是觀之則今之高爵顯位一旦抵罪或脫身以逃不能容於遠近而又有翦髮杜門佯狂不知所之者其辱身賤行視五人之死輕重何如哉

## 顧杲

一首

果字子方無錫人有悟秋草堂集十卷

靜志居詩話崇禎戊寅南國諸生百四十人具防亂公揭請逐閩黨阮大鋮子方實居其首有云杲等讀聖人之書明討賊之義事出公論言與憤俱但知爲國除姦不惜以身賈禍大鋮飲恨刺骨而東林復社之讐在必報矣大鋮名在東林點將錄號沒遮攔而閩人周之莫亦往名復社第一集阮露刃以殺東林

周反戈以攻復社君子擇交不可不慎於始也

蕉扇

動搖生夏涼君非附炎者往來詩客旁高齋勝秋野

陳宗之

十八首

宗之字玉立長洲人崇禎癸酉舉人

靜志居詩話啟禎間景陵流派盛行於吳中雖有林若撫力持唐調然而捷敏未免率易玉立矜鍊獨躁正始之音八門七堰六十坊可以獨步

極望

朝登崇邱望四野行人稀悲風振林薄紅塵蔽我衣比屋絕青煙窮郊多嘶餽陽和雖萌動不救庶物微天高不可問長更恣疾威念之五衷熱願力與願違閔世莫克拯撫膺一長

歎

感秋

膏雨遍山澤禾黍何豐茸天意豈不周下民乃無胸人滿芽  
蘖生地繁奸宄容大賢不世出珪墨恣昏庸荆襄方帶甲燕  
薊時傳烽嗟我蒲蛤岷不思鎬與灤鞭撻雖云苦急病理宜  
共築圃會有時秋燈燎夕春我亦慎作勞飯牛幾時逢

幽栖

窮居非一端委志在山草豈無衣貪營高閒以爲寶茅茨羣  
峰下變態日夕討霞巒邈風期霜崖聳襟抱前有寒泉谷  
微自瑩藻安得長閑關心期學至道觸物方悲歌歎此橫金

涼

感時

歲月不待人  
流光迫逼景  
揭來青陽臥  
忽已冬夕永  
羣條結  
妻嬪眾壑瀉  
孤井抱書黃  
簾下白敲搖  
瘦影繁憂浩無端  
弱志怯前猛  
本乏邱園貢  
懶怠就曠省  
時賢非我期  
隱軌幾馳騁  
騁浩蕩古皇心  
矜促箕與願

東澗述懷

結廬北郭溪  
寓榻東山麓  
郊居已杜門  
此更混樵牧  
高館闢以妻  
穹崖峭遺碩  
琴尊選幽勝  
萬翠攢雲屋  
簪冠不復簪  
散髮聽高潔  
道書填座右  
戒香薰靜僕  
噓吸資清冷  
蕭屑任土木  
木雖復念流亡  
彌年安貞獨  
子春非賣塞  
子真非湛谷  
通執各有趨  
胡必倣軸  
乾坤委化運  
山鬼聽誦讀  
此中寓深致

非人亮莫告

思太古

四序如轉轂  
谷居已冬春  
誅茅無人地  
混沌忘生晨  
蛟龍已震動  
角尾洞淵淪  
自非冥寂心疇  
敢忘吾人大道  
失綱領生晚  
違天民文字并  
幽患染之復誰  
親相期滅聞見  
默守氣自神

雪嶠吟二首

人生苦纏短  
進取恨不早  
局促百年中  
顏鬚幾時好  
馳勁旣失喧  
退遯或傷槁  
斗酒發清謠  
耳熱心如搏  
西京多勢家  
雷轡長安道  
金膏耀園臺  
恩倅及襦褓  
子雲方翳如  
遺經至今寶

一懶畢吾分入山謝儔伍艱虞失怙後疲羸劬寸武憶昔壯  
年時俊健如猱虎飛光不待人短髮被霜縷東鄰有織聲西  
鄰響樵斧野人獨蒙頭高臥至日午

羣盜

信阻黃牛峽入稀白帝城干戈包穀鄧烽火蔓襄荆天意高  
難測人材浪得名荒雞興夜歎流淚哭殘氓

穀閣秋懷

不堪搖落悵深秋漠漠風煙起暮愁鄉尉有山頻入夢向平  
多累不成游黃花笑鬢遲佳色白墮吹香下晚芻肯信吾生  
鴻鵠舉高原亦有稻梁謀

首夏寄徐子能

栖遲蕭寺軒臚床水木空青湛竹房几落瓦花桐广碧檻懸  
峭巒桂均芳攜尊喜逐忘機友閉戶粗知省事方聞道西郊  
徐處士突煙晨冷鶴無糧

銷磨日力倚書牋客至從教叩不齧穿戶筍胎舒紫箨覆床  
蕉被展青棱松柵短屋過溪叟茗粥清齋共寺僧最戀雨餘  
人事絕夕陽哇草看魚晉

出山

五岳平生擬向禽吳山矯首亦棲尋旅魂獨夜成風雨大地  
精廬閨古今佛閣清霜冽遠岫洞門寒日照深林不知救世  
何人事莫漫銷沈梁父吟

愁

繩床深碧語殘鶯回首飛花歲月更白髮曉梳遲學道黃金  
春盡那謀生昨非始悟陶元亮日損終思向子平較量行藏  
無子可且醉綠蟻百壺清

家園早春

閭子陰陰遶翠重柳隄香雪任苔封暫將禮數消人忌自許  
雲林息世慵春汲幾家蘿蔭接嘯歌千古枕書供幽尋擬乞  
山僧杖風雨精靈恐作龍

送盧渭生赴史相國幕時以觀省歸賦詩壯之

黃河列戍控山東指盡襟喉抵掌中白筆軍書推國士紅旗  
都統賴裴公嘗參幕府龍韜暑歸拜高堂鶴髮翁立馬短衫  
仍獨往從教逢拔勒奇功

送客之楚幕

中原遍地盡戈鋌何處依劉豺虎邊匹馬獨歸燕市月扁舟  
仍汎武昌煙雨衡莫浪題鸚鵡杜甫應須拜杜鵑若問野人  
雲水迹茫茫澤國一漁筌

山中歸見壁上懷友詩次天民韻

年來朋侶太參差山處茫茫各自私喪我每思南郭隱逢人  
多誦北山移蓬門晝寂無題鳳相酒春深有聽鶯千載賓閒  
同靖節鹿葵高臥落花時

葉襄

七首

襄字聖野長洲人崇禎時諸生有紅藥堂詩

蘇州府志 聖野少穎敏父教授在外從母張受學銳志經籍爲名諸生楊廷樞領袖復社聖野執經爾高

弟子甲申後隱居不出工詩律尤工僕語有六朝風致

靜志居詩話吳下詩流聖野始屏鍾譚餘諭嚴持科律一以唐人爲師與姜考功如須往還酬和靈嘗接席臨頓里談諧宴笑器局可親所刊吟稿考功序之田按聖野近體風華俊麗有蘭成哀咽之音

春詠和曹秋岳二首

阮籍惟埋照狂歌意匪他生涯甘隴畝心事聽關河碧草條  
風晚青尊舊雨多蕭條憐短髮何用補蹉跎

大雅誠寥闊如君復幾人九天聞鶴唱萬里縱鷗馳老健渾無敵曉鴈信絕塵春風江總宅彩筆動星辰

春詠酬龔芝麓二首

水國春陰重江潭柳色移蠻煙沈帝濱荒雨仆遜旗白髮年中換青袍夢裏疑山深微蕨長應傍伍胥祠

顚頓黃冠客猶傳補闕名孤舟范蠡宅高柳閨閻城短褐人情薄崎嶇吾道輕杜衡搖落盡春色爲誰明

新柳

駘蕩東風促放芽有情應似惜年華章臺溼雨追芳草野郭輕陰待杏花淺綠未堪遲暮燕嫩黃何處暗棲鴉永豐坊裏承恩早柳宿光中一縷斜

萬陵

寂寞塗山會蒼茫越海東星辰環斗極風雨壯幽宮玉帛當年盛衣冠萬祀同守珪巖郡將佩玉列羣公畫廡尋苔碧陰廊薜荔紅岡巒迴日月棟宇闢蛟龍窓石蟲書古穹碑鳥篆工泉源留儉德伊洛想神功配極尊河獄懸高俯岱嵩千齡

垂廟饗百谷儼朝宗

焚書坑

七國煙銷弱業墟咸陽宮闕總灰餘蕭何自索關中籍不向  
空坑問蠹魚

張釋

一首

澤字草臣吳江諸生

與雲子衍波菴中夜坐

松古徑難暝悵然山月光起行棲鳥散雜坐野橋荒良友懷  
中事寒林夢裏霜十年蹤迹異今夕可能量

周立勑

三首

立勑字勒卣松江華亭縣學生

陳子龍幾社六子詩序周徐輩六子皆與余同學詩者也其才情雄駿用功深微十倍於余然覽其詩可以渺獨立而儼古人者人不數篇耳

明詩綜張受先云勤卣工愁善恨下語如九曲明珠

耐人尋索

邵志居詩話松江舊有十六子社唐文恪董文敏及吾鄉馮祭酒與焉崇禎中勤卣偕陳夏諸公倡幾社首事僅六人以詩古文辭相砥礪今所傳王申文選是已陳夏皆以名節著惟勤卣早夭聞其遇社中人意態殊落落而人自有欲親之誠時穀城方閣老四長守松江數與幾社諸子周旋而尤敬愛勤卣人或問之答曰勤卣一往有雋氣不屑作酒肉賤人第其詩文恒以慨歎出之慮其人不壽耳歲己卯就試金陵質素清羸寓伎館伎聞貢院櫂鼓促之起勤卣尚堅臥也未幾遂客死臥子哭以詩云松柏西陵路菖蒲北里花春風夜臺路玉勒向誰家宋轅文亦有詩翠羽明珠擁莫愁君家顧曲舊風流一時腸斷人何處風雨蕭條燕子樓又云山陽玉笛異時情天問靈均意不平縱使未堪軒冕貴何妨白髮老書生數日後忽夢勤卣至日君詩固佳胡不日縱使未堪邱壑老何妨白髮因諸生轅文覺而異之爲位佛祠祭焉

田按勒卣之論詩曰士當不得志而寄情篇什憂閑

悲製雋詞遙旨往往有之又云予失足敗意顧盼圓  
圃風物悽恨求曩哲之遺綱塊時賢之工藝未嘗不  
歎悼扼腕悔其多作悲哉何其多幽憂之思也勁直  
與臥子爲素交臥子選明詩僅錄其詠懷一首予廣  
搜諸集得詩數篇俾弔沈淪而哀憔悴者有以得其  
厯畧也

舟行效江文通詩

凌晨戒舟楫斥渚一已深弱草承芳徑孤雲冒遙岑鬱葱起  
奇樹歷落飛幽禽蒲葉薄刺水香風輕出林海煙遠樹黑江  
光日莫陰奔濤恣涌湧高墳散崎嶇獨望成千里安能知古  
今

雨泊富陽江上

驟雨江流急雲挾蛟龍勢莽莽不得停橫帆去搖曳孤鳥沒  
還浮亂石危有制雲湧山自覆林遠草同細連舟若村墟煙

火遙相隸所歷百里間風波渺難濟客行無安途林深啼蜀  
帝

舟次黃州寄懷諸子

攬衣涉沙磧日落黃州城魏祖旌旗盡吾事業更薄遊分  
數子因別念平生無限悲秋色孤鴻向客鳴

魏冲

一首

沖字叔子一字道用常熟人崇禎庚午舉人有小碎

集

列朝詩集叔子垂髫卽能詩崔濯無俗調  
懷舊集叔子少與兄仲雪齊名稱二魏詩亦恒似久  
而信余言蓬舍故學君有詩云貧知無事足賤倚閑  
門尊先兩君以爲名句  
田按叔子馮定遠師也鍊吟雜錄常稱之

辛鐵卷二十二

古

三月十三日陳和卿補送春約載酒李家橋顧氏園亭  
幾簇茅茨綠樹攢野薇香酷小梅酸一春城裡看春色今日  
餘春村外看

許元功

四首

元功字無功一字更生吳人有靜曜詩集

湖山靈秀集明季如許無功吳不官足爲蔡九遠後  
勁拔無功詩清麗綿邈令人留賞

灌籩夜話

寒城易暮色倦客鮮歡懷園林幸接近時偕樽罍來兼得兩  
三友諧謔無嫌猶論古有餘思停卮共徘徊肅肅前除霜噉  
數鴻雁哀攬衣發長歎月白煙初闌

歸元恭同寓郡郊將偕葛瑞五入包山贈別

遊侶適尋至因知帆不停前朝好黃葉林臥聽清冷煙火白  
波出連山寒更清何心留滯者愁說贈榛苓

顧與治養疴半塘余亦病滯城菴辱先柬至卻寄

此地聞君過書來枕上看江湖同旅泊愁病得秋殘野寺翻  
經榻寒塘放鷓鴣城郊通短夢劇論舊悲歡

丙戌秋同李灌筭訪劉公旦野寺公旦有扇頭見贈之作久未答和悵然補之

野寺蕭然古壑秋哀松激響憶同遊袈裟得借人間地塵尾  
難消客裏愁手種白楊齋徑改魂歸青草墓門幽舊題珍重  
時開懷不對西風淚亦流

潘一桂

二首

一桂字無隱一字木公吳江人

列朝詩集無隱年未三十有賦數十篇卜居京口覽江山之勝與友人錢玄密緝以辭賦相鏹礪作東征昌言諸賦爲時所稱東游泰山謁孔林作東游詩南陽朱邸好辭賦延招四方賓客起高明樓凝于雁池免園幣聘再至乃往授簡賦詩雍容應教有趙康王禮謝榛鄭若庸之遺風焉居留一月謝不能曳裾王門稱疾辭歸

龍潭道中

疊嶂深藏日連峯共隱天小舟如雁許歷歷下江天

幽人

山色自滿幽人扉疏窗晴日淨暉暉避人一鳥踏枝去遂有落花無數飛

王漬二首

潢字元倬上元人崇禎丙子舉人有南陔堂集何莫草

帝里明代人文略先生吾鄉忠厚人也明遺孝廉第  
行君子一人而已

賈徙南王日華沈修能晚過小酌次日華韻

駭鱗潛重淵驚羽棲層枝達人審物候舒卷從天時眷懷二  
三子願我臨前墀盛夏苦埃微溽暑如蒸炊赤日忽西馳皓  
月窺梁楣雙桐激清響拂坐生涼颸卽境屏餘慕怡曠良在  
茲願言數晨夕析賞無虛期

吳門訪徐元歎

何處溪山曳短筇誤從城郭訊高蹤埋名或恐同梅福問字

曾聞擬顧雍人臥荒菴依落木客停孤舫聽疏鐘相逢莫語  
興亡事耕稼惟應學老農

梅朗中

五首

朗中字朗三宣城人鼎祚孫崇禎時諸生有書帶園  
集十六卷

侯方域壯悔堂集朗三宋六代之華標三周之製長  
歌短律胥璵精妙  
愚山集禹金間孫復有朗三蓋庶幾與禹金相望者  
朗三善詩古文辭兼及書畫又好獎才彥歎眾美以  
萃其身乃年不逮四十而摧折悲夫  
梅氏詩畧朗三酣情嗜古詩文法祖而資才駕之字  
效張王畫規宋元嘗與吳越名士樹轍駢壇爲四方  
風雅之宗論者謂祖孫輝映均足千古  
田扶朗三古詩仿顏謝而未能類脫五律便自淵麗

集白雲樓

徑穿叢篠出樓壓曲嵒生虛爽坐看久壺觴暑更清鳥栖干  
嶂夕虹飲一川明最愛秋林晚丹霞樹樹橫

同方爾止蔡大美遊響山時余將往新安因送大美之

金陵

作客同春水東西任去留卽堪臨水送復此別家愁白舌開  
丹卷青山空謝櫻無須悵分手雲物帝城秋

送吳生孟修讀書越中因訪錢諸暨及湖上嚴朱諸子  
入東何不速良友半空函埜飯沙頭市春衣馬首風負書誰  
共賞斷酒爾能堪若過山陰道還先禹穴探

送大美之金陵寄何次德

纔傾蘭社酒便買石城艤旅夢回楓樹餘霞吟練江舊知名

第五不獨賦無雙儻問梅真子寒吟謝牕窗

送劉雲遊姑蘇

江館花殘燕子飛春浦一幅下螺磯五湖煙月知多少莫學西施去不歸

蔣臣

一首

臣初名姬肩字子卿更名後字一个桐城人崇禎中舉賢良方正授戶部司務遷主事有誰菴集

靜志居詩話一個見知於太倉二張注名復社其柴車北上爲倪公玉汝所薦召對平臺甲申冠變間道走淮陽依史公道鄰史公留參軍務一個奚日以一騎度將五狼其能久乎遂辭歸其詩雖乏渾涵亦自備散

田按一个以范大司馬景文薦建漕屯鈔足國三議漕屯未知如何其行鈔法言歲造三千萬貫價銀一兩歲可得銀三千萬兩此亦書生之見豈可行於裏

亂之世乎

感遇贈劉伯宗

夙昔秉遐尚託契依邱樊烟戒師明哲息機謝羣援山月照  
薜蘿偶開松下櫓素琴發清籟宿鳥時高翻斯際穆懷古孤  
緒於焉存時艱亦念哉含藏道所尊感彼華實分獨寤永弗  
設主上撫夏邇九載未濟屯紜網遍八埏翹車責邱園是時  
無留良與子同見掄天路苦荆棘豺虎彌川原關洛數十郡  
戰哭皆新魂子才陋微管奮翮必鸞鷟余方戀南陔藝黍供  
晨昏出處各有適素節諒自敦不聞莘渭人媯嫋效公孫三  
復汚彼詩末俗誰與論

趙相如

二首

相如字又漢桐城人天啟諸生有載園詩集

桐舊集播蜀曰崇禎時求直言又漢上治平十二策爲權貴所阻其爲詩憂君憫俗婉約深摯有浣花之風

甲申春初感事

羣策勸名在鼎鐘英籌何日殞元凶十年議撫煩司馬五等  
新頒起臥龍河伯威能爭豫壤泥九隙竟瀆函封荒原萬里  
春田草隴上誰明盛世農

江南曲

樓船簫鼓動江城長板橋頭夕照橫少婦不知烽火急  
權歌猶唱鳳陽聲

許振光一首

振光字起文吳人有心耕草堂集

將歸先寄山中諸同社

冬氣先知到布衾故圓蘿散別來心或爲野步兼橋立不是  
茶清卽酒深向友索文星下讀懷人有夢水西尋問余作客  
因何事兩月江干日苦吟

俞南史二首

南史字無殊吳江人山人安期子

治圃

學圃非吾事時窮逐汝曹初知鹿門逸終覺漢陰勞業薄資  
家食慚多長野蒿栽培天地意功力計纖毫

長門怨

金屋春深早閉門平陽歌舞動黃昏君王那得如明鏡日向  
妝臺照淚痕

徐白二首

白字介白吳江人別號笑菴先生有竹嘯菴詩鈔

愚菴集介白自鍾譚入門能不熏染其流弊

遂初堂集處士詩幽冷刻深不肯蹈襲前人一字

靜志居詩話介白初師景陵詩派務以幽深孤峭爲  
宗後以太湖落日賦見賞於陳臥子晚年持論稍歸  
和易

本事詩笑菴清癯峻削性類枯禪卜築靈巖三十年  
屏迹城市室內顏白髮前朝士青山半屋雲之句錄

其單詞秀發聞天風步虛聲也

獨遊

雨後垂楊路東風草際暄因尋溪外響不覺盡清源雲傍水  
心寺花開原上村春光先我待一笑復何言

月下醞女郎彈琵琶

哀絃淒絕未知名若對清光更有聲總爲姮娥善幽怨人間此夜盡關情

方文

十首

文字爾止桐城人崇禎諸生有爾止集五十卷

愚山集爾止爲詩雖民謡里諺塗巷瑣事皆可引用興會所屬衝口成篇款曲如話真至渾融自肺腑中流出絕無補綴之痕

漁洋詩話爾止瀟灑有天趣每見人誦詩者輒爲竄改其人不樂亦不顧也然退未嘗不稱其長而掩其短余以此重之

池北偶談方翁山居金陵少有才華晚學白樂天好作淺俚之語爲世口實以己王子生命畫師作四王子圖中爲陶淵明次杜子美次白樂天皆高座而已  
偃樓於前至其詩卷余爲題罷語座客曰陋坦率白令老嫗可解皆不足慮所慮杜陵老子文峻網密恐翁山不免哭藤條耳一座絕倒

詩觀爾止詩專學長慶僕昔與之論詩蕭寺頗有箴規爾止弗善也要去其俚率存其蒼老斯爾止爲足傳矣

靜志居詩話爾止間作可笑詩句頗爲時論揶揄然如嘉穀登場或春或採秋或粒米

### 送沈治先歸皖

秋江同作客春水又同歸何事梗遲久仍嗟生計微對床聽夜雨把酒問漁磯坐惜沙邊鳥乘風忽背飛

### 旅夜

客舍已淒苦況聞風雨聲一杯消永夜孤燭坐深更飢鼠分行出寒雞失次鳴此時心眼靜厯厯悟浮生

### 留別陸夢文

西子湖花秋正芳斷橋曾與共相羊青天鴻雁各千里白露

蒹葭已十霜阿閣相逢重對酒榜人無賴復鳴榔春江鄉柳垂垂發逝水何如別恨長

送曾庭間遊漢中

秦門自古興王地楚蜀咽喉在漢中龍戰且收西極馬騰搏應待北溟風將軍名以先朝重才子文於露布雄酒後有時還縱獵詩人爭與賦形弓

立春日何第五招同施愚山夜集兼呈令兄次德

卜築青谿少四鄰君家兄弟獨相親每逢好月思良晤況復寒江來故人雪酒不辭今夜醉風花又見一年新烏衣巷口多芳草明日重過是早春

題劉遠公扁舟江上圖

年來江上正橫流何處輕舠任爾浮小泊歐陽湖上雨長懷  
徐孺宅邊秋天空倚櫂吟霜葉客至投竿醉酒樓我亦無家  
同放浪平分汀鷺與沙鷗

題酒家壁

問我來何數非關飲興豪風塵燕市裏或恐有荆高

喜遇陳允倩處士兼懷陸麗京梯霞

廬陵自古溪山好尙有梅花冷暖殊爭似錢塘陳與陸枝枝  
葉葉是林逋

立秋

郡齋木葉報秋聲客被單寒夢不成睡起秋聲無處覓刺桐  
花下月微明

題牛山道人畫冊

一著袈裟絕萬緣，獨餘破硯習難捐。  
江山本是無情物，豈到荒殘亦可憐。

吳德操

一首

德操字鑑，在桐城人。諸生官大理寺丞，有北征草過江集。

聞劉念臺金天樞兩都憲同日蒙謹

危冠伉直遂庭爭，梁下先驚懸鼓聲。  
獨坐轉慙辛慶忌，同官還累竇營平人。  
言太尉門牆峻，帝識萊蕪釜餌清。  
臺閣一時誰表率，飄然南策蹇驥行。

葛芝

二首

辛鑑卷二十二

芝字瑞五崑山人有臥龍山人集

短歌行

朝遊太行暮歸王屋寶劍在掌鬼母夜哭士方貧賤跔地呼天一旦雄飛目無聖賢二解權勢所在爭則害人哀哉李圓

竟殺春申

三解

麋鹿在山饑鳴求食忽登雕俎人飽肥澤

四曲

解

室密語中懷水火苟得同心一人已可

五解

神靈所畏惟在果

敢匹夫縱橫山川倒撼六解促我豐膳飲酒曲房援我繁弱射

虎南岡

七解

贈徐日敬

芙蓉未老鱖魚肥孺子扁舟叩竹扉感舊十年惟有涕諭交  
四海竟誰依琅璫請室人猶在寂寥新亭事已非君是黃公

門下客墓前榦酒定沾衣

趙司直

二首

司直字維生涇人貢生有散閣集

散步

柳色當窗覆好風吹自東舊懷隨野鶴晚興寄孤桐曉雨半  
峰綠夕陽千樹紅相攜呼解杖囊盡不知窮

別墅

幽夢過殘香遙懷寄墜籜獨坐校遺編白雲當戶落

賀蕤

四首

蕤字黃公丹陽人諸生有少賤齋紺雪齋二集

吳喬園譜詩話黃公載酒園詩話深得三周作者之意

劉曾恩曲阿詩綠黃公與從姪黃序有二黃之目工  
樂府古詩

擬古謠諺

干將雖利不能斬新鳳凰雖靈不能司晨

詠古

好古遂成癖蒙訥終不回馬遷有霸氣李白真仙才屈放雖  
過之讀之令人哀不若二子言使我胸懷開平時不敢讀每  
以待愁來

送人之塞下

右筆左鞬囊常披白罽袍星下看龍劍燈前讀豹韜倚鞍成  
露布磨楯試霜毫絳灌徒能武勳名未足高

白塔懷古

本宋故宮楊昇發諸陵收寶玉取遺骨雜牛馬骨葬於此上作白塔鎮之

鳳凰山上樹蒼蒼欲訪遺蹤半渺茫誰向春風澆麥飯空留  
夜雨作椒漿月明飢鹿來荒院風定棲螢出短牆野叟遊僧  
都不見只憑囀鳥訴淒涼

賀燕徵

七首

燕徵字元生丹陽人諸生福王時以薦參贊兵部軍務告歸有玉筐集

田按丹陽賀氏元生與黃公在復社有名黃公載酒園詩話當時盛稱余謂黃公詩不如元生玉筐集音節嘹亮古今體均入格也

戰城南

戰城南守城北城下萬籩炊煙黑今日不椎牛魚兼饗壯士焉知明日戰死不爲狐狸食狐狸腸可以葬馬革裹尸非所

望君不見松林鬼火粲如花孤魂夜夜泣無家雨洗黃沙出  
白骨劍鋒猶向骨間沒

巫山高

山山出雲雨朝暮成今古何必巫山陽遂爲神女府楚襄應  
是獵章臺曾挾傾宮舞袖來當時詞臣善諷諷故將雲雨規  
荒宴祈招足以止君心楚臣每多金玉音

酬陸直菴社伯

大雅今誰領君如人有眉乾坤容鳳隱雷雨療龍凝秋水離  
騷句春風供奉詞蘭橈倘北渡樽酒話江淵

淮陰侯

奪符猜已甚蹕足禍應胎鳥盡弓藏後王孫亦可哀

留侯

借箸銷金印休糧茹紫芝區區終始意隆準未能知

虎邱尋貞娘墓不得

片月埋香骨輕雲度夜魂當年應化玉是否碧桃根

阻風謝司港

三日艤舟坐何殊鳥處籠張帆夜半去老鶴縱秋空

劉城十五首

城字伯宗貴池人諸生以薦考授知州不拜官歸有

嶧桐集十卷

陳宏緒士業全集伯宗國變來自署一私印曰謝髮  
鄭心將自比於皋羽之髮所南之心也爲文高古渾  
成類西漢於詩尤工樂府暨絕句

康范生集劉伯宗徵君詩具有微情至性寄託深遠

靜志居詩話伯宗次尾足稱貴池二妙才氣亦相敵  
田按伯宗雄才揮霍英斷前知弘光時史公道鄰以輔臣督師出守儀徵議建四鎮防河而南封左良玉  
守武昌伯宗遺書史公曰五侯皆盜賊之餘非有恩  
義聯結知慕節概思樹功名流聲於後世也主弱必  
叛敵強則降敵主皆弱且欲專制自爲而互相兼併  
勝者大自封小挾上不勝者則復潰盪散漫而爲流  
賊今內無老臣宿將勁旅親兵足以彈壓不肖在廷  
推公防守雖名督師實出公於外根本單薄而欲使  
此四人者防禦是猶使狼守門虎來未必能拒而主  
人先不得動手搖足矣苟行之公必悔之史公得書  
果悔之而無及矣此書今釋桐集不載余見之徐巨  
源所作伯宗傳中伯宗自序古樂府云余於崇禎丙  
丁戊午間頗有雜感而分不得言則取古題傅以時  
事竊比於微而顯怨而不怒亦詩人之意云爾其文  
則古而其事與義則別余固不爲擬古樂府者也余  
謂如是斯可以爲古樂府矣

上之回

上之回祠雍聖揚翠旗仗玉瓏升高墉閥臨衝羣后擁百靈

降尊遷洞資宮功昊天悅人和同望玉門之外見青海若帶  
休屠祭天烏孫膜拜皇帝陛下三萬歲

巫山高

巫山高石巖巖溪水深深流相環水日噏山趾高陵崩以徙岸  
谷旣移洪流斯瀶昔與爾綢繆今與爾仇讎山川之險使人  
心憂欲渡無梁我涕洟雲土夢又待何時

猛虎行

饑不分盜跖膾寒不衷夏姬衣饑寒豈不急志士微尙非薄  
俗多顰眉逐臭相因依祝鯀羣情樂冉雍物論饑斑斑白額  
虎嗜人常苦肥嗜嘴九苞鳳棲梧常苦饑虎肥多弃肉足飽  
狼與豨鳳饑無餘粒野雀別山飛春披披裘翁逃名得庶幾

企喻歌

男兒欲作好結交必有人蛩蛩與驅虛相倚始成行

幽州馬客歌

作客來京洛本自幽并兒沙場無死戰驟驟換蛾眉

前緩聲歌

籠中之雀必有海運之鯤大小相笑難與較論世人是非毀譽以愛惡如虱處禪當復思人間之苦必有天上之歡空清曠蕩下視殺人報怨無端勿短歎復長歎萬里聚斂齊觀

題吳山賓畫扉

松翠可滴山黛如碧寒水滅沒遙見長汀欲問津去無舟與  
答延頸四望空洞宿冥

古意與徐九一

汎

東海有奇樹鬱鬱千霄姿下蟠萬仞根上垂千尺枝芳香郁  
廣野文采光陸離卿雲繚繞之惡鳥不敢栖經年宿鸞鸞鸞  
鸞治世儀有時出雷雨一雨四方滋

徽宗畫鷺歌

素翎鉤吻眼愁胡鐵腳雙閣猛腦軀意思慄鷺條墜徐欲颺  
且立勢可呼誰其圖者道君無學士臣京贊且書戴嵩之牛  
韓幹馬挂滿村家酒舍堵唐寫蘭亭五千本豈有山陰但定  
武意殊神王毛可憐便是當年艮岳主我思杜甫觀鷺贈楊  
監猶且惆悵追憶含元殿三郎閣道雖郎當翠華返正虜血  
灑五國城寒滿朔風孟婆終不行方便秋風自高鶴不揚餓

則依人轉上旋岳家好爪不容飛西湖一曲攢鶯燕淚盡冰  
天寄帛書此時應不盡驚獨畫雁

湖州忽逢孫新齋廷評鼎攜家茗水在此

句曲寒霜月苕溪盛夏風遭逢兩意外飄泊一時中國事痛  
何極吾曹正自同脫衫綫發語穆駿問西東

寄白門余澹心

懷

重問當年舊六朝干戈經處可蕭騷隱夔塵尾應零落石闕  
華林自寂寥白板扉存知爾在黑頭公貴有人驕孝標著論  
交堪絕猶向蘭心說夢蕉

天啟宮詞

二首

蓮漏投籤已幾回金鋪屈戍鎖難開火城忽簇仙韶動奉聖

夫人休沐來

封章連日奏重瞳  
鐫德銜恩祀廟公早見文書房  
捧進溫綸已票速批紅

崇禎宮詞二首

水晶簾照月微明鴛被回身夢始驚  
門外稍聽牌子過鸞輿警蹕已聞聲

宸極深嚴兼聽全刺奸密奏戒傳宣  
打來事件朝朝進短紙牢封到御前

沈自然四首

自然字君服吳江人有來思閒情二集

本事詩君服才藻紛披集多麗句纖靡穠豔架軼西  
昆不僅步溫李後塵也

明詩  
生  
詩  
君  
服  
居  
母  
憂  
不  
勝  
喪  
而  
卒  
其  
友  
私  
謚  
孝  
介  
先

江南樂

初景爛銀浦溢溢浮鵝鶴儂情兩搖蕩持比春江色江深蓮子齊水緩鴛鴦飛不須更相問家住橫塘西橫塘連夾浦曲曲明如許誰打白蘋開前溪夜來雨雨霽上南樓天高水影浮出門郎不見齊蕩采蓮舟舟輕小於艇楊柳雙頭纖咿軋滿中流桃根復桃葉蓮花照水紅那得負情儂不愁白日暮但苦西南風風吹早帆去作底情難訴記取石頭城門閉烏柏樹樹下卽江流風多圓扇秋相將板橋上迴望大堤頭堤頭風力軟綠刺菱香滿艤薄粉紅嬌羅輕衣帶綬江南望江北只取屏風隔折來梅蕊芳持寄朧頭客客夢久踟蹰江南

定不如甯知可憐唱相近莫愁湖

四時行樂詞

錄二

煙簇歡娛鬪錦營尙多愁緒戀朝醒更將何事消芳晝  
豈有閒情數落英桃葉渡頭風濫濫芙蓉塘外水盈盈南山發豔  
臨西苑方郢文思漏晚晴

春

清晝沈沈晝閣閒翠華宮裏見南山催成織素先裁扇喚取  
冰梭試作環鴛瓦雨來珠跳蕩鳳溝泉遠玉纖灣輕衫短袖  
迎風立一例新梳學小鬟

夏

金屋

金屋妝成鬪麗華莫言銀漢隔天涯水羅罩影沈秋月蜀錦  
圍香鎖絳霞春檻綠鸞歌玉樹曉颺青鳳拂桐花誰憐越女

江邨裏日晚臨溪自浣紗

吳道新一首

道新字湯日桐城人天啟丁卯舉人除泰興教諭遷國子助教改工部主事有潛德居詩集

桐舊集篤蜀藻曰湯日先生甲申後隱於桐城東鄉之白雲巖荷衣芰裳與耕漁者伍垂四十年臺終鑿穴於武安袁閔過迹於土室不是過也孫易公有壽湯日詩云十年夢斷漢明光尚有朝衣染御香亂後親朋俱契闊老來詩酒益疏狂黍離歌罷周臣怨杜若洲寒楚客傷一自鼎湖弓墜後灞陵歲歲哭先皇

病甚述懷

玉宵峯峙白雲鄉牋水殘山一草堂但許狂歌臨廣武敢言  
着舊重襄陽病知身後埋青草愁見齋前種白楊應羨司空  
能早達衣冠生壙預先藏